



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXXXI. De Confessario ab Ordinario approbato, de quo in Bulla Cruciatæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Causa hujus
Concessio-
nis, & pre-
ces Provin-
cialis.

Concessio
ejusdem In-
dulgen. in
quocumque
alio Menthum
dic.

Clausula.

CXXX.

Dat. 4. April.
1700. An. 9.

Decretum
præd. circa
primatum in
actibus tam
publicis,
quam priva-
tis an. 1700.
editum.

ne, & sufficienter expresso, ac ad verbum in-
ferro uberius asserit contineri.

§. 1. Cum autem sicut eadem expositio sub-
jungebat plures Societatis hujusmodi Presbyte-
ri per diversas Catholicorum in Regno Angliæ
degentium Domos, ad hoc ut eos consulatur
ministrando illis Sacramenta, verbum Dei præ-
dicando, ac in via salutis dirigendo, clam tam-
en, propter severissimas Regni prædicti le-
ges id vetantes, mitti consueverint; verum multi
ex iisdem Christifidelibus inter se habitatione di-
stent, nec ad omnes Presbyteri præfati iisdem
diebus Dominicis accedere valeant, ac propte-
rea idem Provincialis opportune in præmissis a
Nobis provideri summopere desideret: Nos piis
ipsius Provincialis votis hac in re quantum cum
Domino possumus, favorabiliter annuere volen-
tes supplicationibus ejus nomine Nobis super hoc
humiliter porrectis inclinati, omnibus utrius-
que Sexus Christifidelibus nunc, & pro tempore
in dicto Regno Angliæ commorantibus, qui quo-
cumque die, quo eis id commodum fuerit cura,
& opera Presbyterorum dictæ Societatis in eod-
em Regno pro tempore Missionariorum, semel
dumtaxat quolibet Mense, in aliqua Ecclesia seu
Oratorio Regni præfati ubi Missa licite celebretur,
idem Sanctissimum Eucharistiæ Sacramen-
tum sumperint, ibique sicut præmittitur ora-
verint, ut supradictam plenariam Indulgentiam,
& remissionem, quam pariter Animabus Fide-
lium Defunctorum applicare possint lucrentur in
omnibus, & per omnia perinde ac si præmissa in
una ex Dominicis præfatis juxta dictarum literarum
præscriptum peregerint, servata tamen in
reliquis earundem literarum forma, & dispositio-
ne, Apostolica auctoritate tenore præsentium
concedimus, & indulgemus.

§. 2. Non obstantibus quatenus opus sit, No-
stra Cancellariæ Apostolicæ Regula de non con-
cedendis Indulgentiis ad instar, ac aliis Constitu-
tionibus, & Ordinationibus Apostolicis, cæte-
risque contrariis quibuscumque.

Datum Romæ apud S. Mariam Majorem sub
Annulo Pisc. die VI. Martii MDCC. Pontificatus
Nostri Anno Nono.

Confirmatur Decretum Congreg. Rituum circa
primatum pro Provincia S. Didaci FF. Min.
de Observ. Discalc. contra FF. Augustinianos
in Regno Mexicano.

*A Clem. X. Const. ed. 1676. Jun. 3. confirmatum fuit
simile Decretum. De primatu inter Min. de Ob-
serv. & Conventuales vide Inn. XI. Const. ed.
1684. Apr. 14. P. 8. Et Clem. XI. Const. ed. 1702.
Nov. 24. P. 2. confirmatur præsens Constitutio.*

INNOCENTIUS PAPA XII.

Ad futuram rei memoriam.

Manavit nuper a Congregatione Venerabi-
lium Fratrum Nostrorum S. R. E. Cardina-
lium Sacris Ritibus præpositorum ad favorem
dilectorum filiorum Fratrum Provinciæ S. Didaci
novæ Hispaniæ in Indiis Ordinis Fratrum Mi-
norum S. Francisci de Observantia Discalceato-
rum nuncupatorum Decretum tenoris, qui se-
quitur, videlicet: Mexicana præcedentiæ. Re-
missa ad Auditor. Sanctissimi Domini Nostri In-
nocentii PP. XII. ad Sac. Rituum Congregatio-
nem Causa Præcedentiæ inter Patres Discalcea-
tos strictioris observantiæ Sancti Francisci Pro-
vinciæ S. Didaci ex una, & Patres Augustinianos
Provinciæ Sanctissimi Nominis Jesu ex altera
partibus in Regno Mexicano ultimo loco agitata

super executione Decretorum ejusdem Sacræ
Congregationis diversis temporibus ad favorem
eorundem Patrum Discalceatorum Sancti Fran-
cisci alias editorum, & signanter lati sub die 3.
Junii 1676, & per literas in forma Brevis Da-
tas 19. Junii ejusdem anni fa. me. Clementis PP.
X. approbati, & confirmati; Propositoque ab
Eino, & Rmo D. Cardinale Petruccio in eadem
Sac. Rituum Congregatione infra scripto Dubio,
videlicet. An Fratribus Discalceatis strictioris
Observantiæ Ordinis Sancti Francisci non solum
in Processionibus solitis, & sub propria Cruce,
sed etiam in Concionibus, Disputationibus, Con-
currentia Prælatorum, aliisque actibus tam pu-
blicis, quam privatis interveniente, vel non in-
terveniente Familia de observantia, competat
Præcedentia supra Fratres Sancti Augustini. Sa-
cra eadem Rituum Congregatio, tam in voce,
quam in scriptis partibus acerrime informantibus
auditis, respondit. In casu, de quo agitur,
Præcedentiam competere Patribus Discalceatis
Sancti Francisci, ac amplius Dubium proponi
venit. Et ita decrevit, & servari, ac exequi
mandavit die 13. Martii 1700. A Cardinalis Cy-
bo. B. Inchiramus Sec.

§. 1. Cum autem sicut dilectus pariter filius
Josephus Montoro prædicti Ordinis Fratrum
Discalceatorum Professor Provinciæ S. Didaci
Custos, & Procurator Nobis subinde exponi fe-
cit, ipse Decretum hujusmodi, quo firmius sub-
sistat, & servetur exactius, Apostolicæ confir-
mationis nostræ patrocinio communiri pluri-
mum desideret: Nos ipsos Josephum Custodem,
& Procuratorem specialibus favoribus,
& gratis prosequi volentes, & a quibusvis ex-
communicationis, suspensionis, & interdicti,
aliisque Ecclesiasticis sententiis, censuris, & pœ-
nis a jure, vel ab homine quavis occasione, vel
causa latis, si quibus quomodolibet innodatus
existit ad effectum præsentium dumtaxat con-
sequendum harum serie absolventes, & absolu-
tum fore censentes, supplicationibus ejus No-
mine Nobis super hoc humiliter porrectis incli-
nati, Decretum præinsertum, auctoritate Apo-
stolica, tenore præsentium confirmamus, & ap-
probamus, illique inviolabilis Apostolicæ fir-
mitatis robor adjicimus, salva tamen semper in
præmissis auctoritate præfata Congregationis
Cardinalium.

§. 2. Decernentes easdem præfatas Literas,
semper firmas, validas, & efficaces existere, &
fore, suosque plenarios, & integros effectus forti-
ri, & obtinere, ac illis, ad quos spectat, & pro
tempore quodcumque spectabit, amplissime
suffragari: Sicque in præmissis per quoscumque
Judices Ordinarios, & Delegatos, etiam Cau-
sarum Palatii Apostolici Auditores judicari, &
definiri debere; ac irritum, & inane, si secus
super his a quoquam quavis auctoritate scienter,
vel ignoranter contigerit attentari.

§. 3. Non obstantibus Constitutionibus, &
Ordinationibus Apostolicis, cæterisque contra-
riis quibuscumque.

Datum Romæ apud S. Mariam Majorem sub An-
nulo Piscat. die IV. Aprilis MDCC. Pont. Nostri
Anno Nono.

Declaratur facultas eligendi Confessarium ab
Ordinario approbatum in Bulla Cruciatæ
concessa, cum damnatione opinionis con-
trariæ.

*Hac de re vide Clem. X. Const. ed. 1670. Jun. 11.
P. 1. Item hujus Pontificis Constitut. edit. 1698.
Sept. 6. P. 8.*

Preces Pro-
curatoris
Provinciæ.

Confirmatio
relati De-
creti.

Clausula.

CXXXI.

Dat. 19. April. 1700. An. 9.

INNOCENTIUS PAPA XII.

Ad perpetuam rei memoriam.

Causa hujus Constitutionis.

Declaratio pro facultate Confessarii ab Ordinario loci approbati motu proprio facta.

Poenae.

Damnatio opinionis pro facultate Confessarii a quocunque

Cum, sicut non sine gravi animi Nostri dolore ex nonnullorum Venerabilium Fratrum Episcoporum Regni Portugalliae, & aliorum timorata conscientiae Virorum delatis ad Nos querelis accepimus, in Regno praefato revixerit, ac in dies magis invalescat opinio per quasdam fel. rec. Pauli V., Urbani VIII., & Clementis X. Romanorum Pontificum Praedecessorum Nostrorum Constitutiones, necnon plura Congregationum tunc existentium S. R. E. Cardinalium Concilii Tridentini Interpretum, ac respective negotiis, & consultationibus Episcoporum, & Regularium praepositorum Decreta dudum damnata, ac reprobata, qua innixi plerique illarum partium Privilegia, & Indulta per Literas Apostolicas pro Cruciatâ Sancta emanatas, seu, ut vocant, Bullam Cruciatâ, ita intelligenda esse existimant, ut facultas in Literis, seu Bulla hujusmodi Christianidelibus attributa confitendi peccata sua cuilibet Confessario per quemcumque Ordinarium ad Confessiones audiendas approbato, locum habeat, & habere censeatur, etiamsi is non fuerit Ordinarius loci, in quo confessiones praefatas excipi contigerit; Hinc est, quod Nos ex debito Pastoralis Officii, quod humilitati nostrae meritis licet, & viribus longe impari commisit Divina dignatio, animarum periculis in re tanti momenti, qualis est sacramentalis confessio, quantum nobis ex alto conceditur, paterna charitate occurrere cupientes, necnon Constitutionibus, & Decretis supradictis inhaerentes, de Venerabilium Fratrum Nostrorum ejusdem S. R. E. Cardinalium, primum quidem supradictis negotiis, & consultationibus Episcoporum, & Regularium praepositorum, subinde vero etiam aliorum in tota Republica Christiana contra haereticam pravitatem Generalium Inquisitorum a Sede Apostolica specialiter deputatorum, qui opinionem praefatam ex integro examinarunt, remque totam mature discussurunt, consilio, ac etiam motu proprio, & ex certa scientia, & matura deliberatione nostris, deque Apostolicae potestatis plenitudine tenore praesentium decernimus, & declaramus, Bullam Cruciatâ Sancta nihil novi Juris induxisse, nullumque privilegium continere quoad approbationem Confessariorum contra formam ejusdem Concilii Tridentini, & praedictarum Constitutionum Apostolicarum, adeo ut Confessarii tam Saeculares, quam Regulares quicumque illi sint, in vim dictae Bullae Cruciatâ a Penitentibus ad audiendas eorum Sacramentales Confessiones electi, nullatenus confessiones hujusmodi audire valeant sine approbatione Ordinarii, & Episcopi Diocesani Loci, in quo ipsi Penitentes degunt, & Confessarios eligunt, vel ad excipiendas Confessiones requirunt, nec ad hoc suffragari approbationem semel, vel pluries ab aliis Ordinariis aliorum locorum, & Diocesum obtentam, etiamsi Penitentes illorum Ordinariorum, qui Confessarios electos approbassent, subditi forent; Confessiones autem aliter, & contra earundem praesentium, aliarumque Apostolicarum Constitutionum formam deinceps faciendas, & excipiendas respective, praeterquam in casu necessitatis in mortis articulo nullas fore, irritas, & invalidas, & Confessarios ipso jure suspensos esse, & etiam rigide puniendos ab ipsis Ordinariis Locorum. Porro quancumque contrariam opinionem tamquam falsam, temerariam, scandalosam, & in praxi perniciosam, praetense quovis contrario usu, contrariaque consuetudine, etiam antiquissima mi-

nime obstantibus, Motu, scientia, deliberatione, & potestatis plenitudine paribus harum ferie damnamus, & reprobamus, contrariumque usum, ac contrariam consuetudinem hujusmodi penitus, & omnino abrogamus, & abolemus.

§. 1. Ac proinde omnibus, & singulis Christianidelibus cujuscumque status, gradus, conditionis, & dignitatis existant, etiam specifica, & individua mentione, & expressione dignis, ne supradictam opinionem docere, tueri, aut ad praxim deducere quovis modo audeant, seu praesumant sub poena excommunicationis per contrafacientes ipso facto absque alia declaratione incurrenda, a qua nemo a quoquam praeterquam a Nobis, seu Romano Pontifice pro tempore existente, nisi in mortis articulo hujusmodi constitutus absolutiois beneficium obtinere valeat interdiciamus, & prohibemus.

§. 2. Decernentes etiam easdem praesentes literas, & in eis contenta quaecumque etiam ex eo, quod in praemissis interesse habentes, seu habere quomodolibet praetendentes, cujusvis status, gradus, ordinis, praerogativae, & dignitatis existant, seu alias specifica, & individua mentione, & expressione digni, illis non consenserint, seu ad ea vocati, citati, auditi, & causae propter quas praesentes emanarint, sufficienter adductae, verificate, & justificatae non fuerint, aut ex alia qualibet etiam quantumvis juridica, pia, & privilegiata causa, colore, praetextu, & capite, etiam in corpore Juris clauso, etiam enormis, enormissimae, & totalis laesionis nullo unquam tempore de subreptionis, vel obreptionis, aut nullitatis vitio, seu intentionis nostrae, vel interesse habentium consensus, aliove quolibet, etiam quantumvis magno, & substantiali, ac incogitato, & inexcogitabili, individuaque expressionem requirente defectu, notari, impugnari, infringi, retractari, in controversiam vocari, aut ad terminos Juris reduci, seu adversus illas aperiitionis oris, restitutionis in integrum, aliudve quodcumque Juris, facti, vel gratiae remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanatio quempiam in Judicio, vel extra illud uti, seu se juvare ullo modo posse: sed ipsas praesentes literas semper, firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quancumque spectabit inviolabiliter, & inconcusse observari.

§. 3. Sicque, & non aliter in praemissis per quoscumque Judices Ordinarios, & Delegatos, etiam Causarum Palatii Apostolici Auditores, ac dictae Sanctae Romanae Ecclesiae Cardinales, etiam de Latere Legatos, & Sedis Apostolicae Nuncios, ac memoratae Cruciatâ Sanctae Commissarios, aliosve quoslibet quancumque praerogativa, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac Apostolicis, & in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quorumvis Ordinum, Congregationum, Societatum, & Institutuum, aliive quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus; Privilegiis quoque, Indultis, & Literis Apostolicis ejusdem Ordinum, Congregationibus, Societatibus, & Institutis, illorumque Superioribus, & personis, ac aliis quibusvis sub quibuscumque verborum tenoribus, & formis, cum quibusvis etiam derogatoriarum derogato-

Ordinario approbati.

Poenae.

Clausulae.



riis, aliisque efficacioribus, efficacissimis, & in solitis Clausulis, irritantibusque, & aliis Decretis etiam motu, scientia, & potestatis plenitudine paribus, seu ad quarumcumque personarum, etiam quavis Ecclesiastica, vel mundana dignitate fulgentium instantiam, aut earum contemplatione, seu alias quomodolibet in genere, vel in specie, etiam consistorialiter concessis, ac pluries, & quantiscumque vicibus confirmatis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum non autem per Clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur, presentibus pro plene, & sufficienter expressis, & inseritis habentibus, illis alias in suo robore permanentibus ac premissorum effectum hac vice dumtaxat specialiter, & expresse derogamus, ac derogatum esse volumus, ceterisque contrariis quibuscumque.

§. 5. Ceterum, ut eadem presentibus Literarum omnibus facilius innotescant, nec quisquam illarum ignorantiam valeat allegare, volumus, & Apostolica auctoritate decernimus, ut illa ad valvas Basilicæ Principis Apostolorum, ac Cancellariæ Apostolicæ, necnon Curie Generalis in Monte Citorio, & in Acie Campi Floræ de Urbe per aliquem ex Curforibus nostris, ut moris est, publicentur, illarumque exempla ibidem affixa relinquuntur; ita ut sic publicatæ omnes, & singulos, quos concernunt, perinde afficiant, ac si unicuique illorum personaliter notificatæ, & intimatæ fuissent.

§. 6. Utque ipsarum presentium transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, tam in Judicio, quam extra illud ubique locorum habeatur, quæ ipsis presentibus haberetur, si forent exhibitæ, vel ostensæ.

Datum Romæ apud S. Mariam Major. sub Anulo Piscatoris die XIX. Aprilis MDCC. Pontificatus nostri Anno Nono.

CXXXII. Erigitur Congregatio San. Hippolyti Hospitalis Pauperum Infirmorum in Indiis Occidentalibus cum confirmatione Privilegiorum, & Indulgentiarum.

Confirmata fuit erectio d. Hospital. cum suis Statutis a Greg. XIII. & Sixto V. a Clem. VIII. Const. ed. 1596. April. 2. concessa fuisse privilegia, & Indulgentia Hospitalis Sancti Joannis Dei. Et Const. ed. 1604. Oct. 1. P. 13. & in Congregationem erectæ adjecto Voto obedientiæ, & Hospitalitatis. Ab hoc Pontifice Const. ed. 1693. Dec. 14. Pont. 3. concessa fuit Indulgentia. Et Const. ed. 1700. P. 9. confirmantur Constitutiones.

INNOCENTIUS PAPA XII.

Ad perpetuam rei memoriam.

Exordium.

EX debito Pastoralis Officii, quo Ecclesiæ Catholicæ per universum Terrarum Orbem diffusæ regimini Divina dispositione præsidemus Congregationes Christifidelium pietatis, & Christianæ charitatis operibus ad Pauperum Infirmorum, & Convalescentium subventionem, & utilitatem laudabili studio incumbendum paterno charitatis affectu prosequimur, felicique illarum

statui, ac ut personæ, quæ tam pium vitæ institutum susceperunt, in ea vocatione, in qua vocatæ sunt, perseverent usque in finem, opportunitis rationibus, & favoribus providere studemus, sicut, omnibus mature consideratis ad Omnipotentis Dei gloriam, piorum operum incrementum, & animarum salutem expedire in Domino arbitramur.

§. 1. Dudum siquidem postquam quondam Bernardinus Alvarez Insula, dum viveret Civitatis Mexican. in Indiis Occidentalibus Hospitalis sub invocatione S. Hippolyti Martyris, in cuius festivitate olim dicta Civitas ab Idololatriis Gentilibus detenta ad Christianorum potestatem devenerat, prope, & extra muros ejusdem Civitatis, pro pauperibus Christifidelibus Infirmis, & Convalescentibus curandis, aliisque pietatis operibus exercendis, sub certis Statutis, & Ordinationibus de Ordinarii Loci licentia erigi, & fundari curaverat, fel. rec. Gregor. PP. VIII. Prædecessor noster, supplicationibus ipsius Bernardini nomine sibi super hoc humiliter porrectis inclinatus, erectionem, & fundationem Hospitalis, ac Statuta, & Ordinationes hujusmodi approbavit, illisque perpetuæ firmitatis robur adjecit, & alias prout rec. mem. Sixti Papæ V. similiter Prædecessoris nostri Literis, cum prædictus Gregorius Prædecessor, antequam ejus literæ super præmissis conficerentur, rebus humanis fuisset exemptus, sub plumbo in forma rationi congruit desuper expeditis, uberius continetur: Postmodum vero piæ memor. Clemens PP. VIII., etiam Prædecessor noster fide dignorum relatione accepto, Hospitalis prædictum, benedicente Domino, adeo crevisse, ut in prædictarum Indiarum Occidentalium partibus alia Hospitalia, & similia erecta, & fundata existissent, per quasdam suas in simili forma Brevis die 2. Aprilis 1596. emanatas literas inter alia ordinavit, seu concessit, quod omnia, & singula Hospitalia hujusmodi, tam erecta, quam in posterum erigenda, eorumque Confratres, & pro tempore existentes in eisdem Indiis Occidentalibus omnibus, & singulis gratis, privilegiis, prærogativis, facultatibus, Indultis, Indulgentiis tam spiritualibus, quam temporalibus, & favoribus a similibus me. Pio V., ac prædictis Gregorio, & Sixto Prædecessoribus, necnon a quibusvis aliis Romanis Pontificibus, etiam Prædecessoribus nostris Hospitalibus Joannis Dei, eo nimirum in Sanctorum numerum nondum relato, nec Ordine Fratrum ejusdem S. Joannis Dei adhuc instituto, tunc nuncupatis Regnorum Hispaniarum quomodolibet concessis uti, frui, & gaudere, libere, & licite possent, & valeret in omnibus, & per omnia, perinde ac si ipsis nominatim, & æque principaliter concessa fuissent; Ac deinde ipsi Clementi Prædecessori pro parte tunc existentium Superioris fratris Majoris nuncupati dicti Hospitalis S. Hippolyti, & Confratrum tam ejusdem Sancti Hippolyti, quam aliorum sex Hospitalium ab eo dependentium exposito, quod dict. Hospitalia sub prædictorum Statutorum, & Ordinationum observatione spatio plurium annorum prospere, & feliciter administrata, ac tam spiritualibus, quam temporalibus incrementis aucta, & in unam Congregationem S. Hippolyti nuncupatam redacta fuerant, sed successu temporis familiaris experientia, usque quotidianus docuerat plerosque ipsorum Hospitalium Confratres, emissis licet de more castitatis, & paupertatis votis, in suscepto tamen per eos vitæ Hospitalicæ Instituto, ex eo præsertim, quod ipsi perpetuæ Hospitalitatis, & obedientiæ votis in aliquo obstricti non essent minime perseverare, idem Clemens Prædecessor ad supplicationem eorundem fratris Majoris, & Confratrum, quod de cætero, & in

Ortus & progressus d. Hospitalis postea in Congregationem erecti cum suis statutis adjectione voti obedientiæ & Hospitalitatis, ac privilegiorum concessione.